

TITVL. XIX. Vom Gerichtlichen Proceß. XXXIII

- §. fe/ So der Beklagte fürwendt/ Daß er solcher Sachen halben zu vor auch vom Kläger mit Recht seye fürgenommen / aber ledig erkennet worden/ Exceptio rei iudicatæ.
- XI. Item/ daß die Sach/ darumb er Beklagter sekunder angesprochen/ vnd beklagt wirt/ zuvor seye zwischen inen beyden Parthenen güttlich hingelegt vnd vertragen worden/ Exceptio Transactionis.
- XII. Item/ so der Beklagte fürwendt/ Daß er vnd seine Voreltern das Gut/ darumb er anspröchtig gemacht werden wil/ vber zehen/ zwenzig/ drentzig/ vnd mehr Jar / gerüwlich besessen/ ingehabt / vnd also præscribirt vnd eressen hab / Exceptio Præscriptionis.
- XIII. Item/ so Beklagter fürwendt / Er hab die Schuldt / so an Inen gefordert wirdt/ zuvor bezahlt/ vnd könne solches mit Quittungen/ oder lebendigen Zeugen/ beweisen / Exceptio Solutionis.
- XIII. Solche vnd dergleichen Exceptiones, so die Haupt Sachen recht angrenffen/ perimiren vñ umbstossen/ seynt deren art / daß sie beyde vor der Kriegsbesetzung (dieselbig vnd den Proceß abzuschneiden) oder aber nach der Kriegsbesetzung (die Haupt Sachen im grundt auffzuheben) fürgebracht werden mögen. Es ist aber darunder dieser Vnderscheidt / so sie vor der Kriegsbesetzung enngewendt/ vnd auch bewiesen werden/ daß der Beklagte allein von dem Rechtsstandt / Da sie aber nach der Kriegsbesetzung fürgebracht vnd bewiesen werden/ alsdan der Beklagte von der Klagen endtlich absoluiert vnd erlediget wirdt. Darumb dan rathsammer vnd nütlicher ist/ daß sie/ nach dem der Krieg besetzet/ ad effectum, vnd der meinung / die Klag dadurch außzulöschen/ fürgebracht werden/ dann zuvor.
- XV. Doch sol der Beklagte / so er dergleiche Exceptiones hat/ Vor der Kriegsbesetzung deren gedencen/ vnd dieselben hernach